

وارلیق

VARLIQ

Türk Dili, Edebiyatı ve Kültürü Dergisi

Yeni Dönem. İ: 1, Sayı: 3 (Qış 2015), ss. 139-142

Telif Haqqı®Varlıq Dergisi

شعر

وارلیق

اٹلیمین، اوبامین منلیک کیتابی،
دیلمین مقدس سۆزودور وارلیق،
سۆنمز آی-ولدوزو، پارلاق گونشی،
آیشان اوجاگی، کۆزودور وارلیق.

وطن تورپاغیندا، داشیندا بیتن،
ساوالان داغی نین دۆشونده بیتن،
شاختالی-سازاقلی قیشیندا بیتن،
یوردومون شن باهار، یازی دیر وارلیق.

آشیقلى کرواندير، اوزاقدان گلير،
آرخى ائل داغیندان بولاقدان گلير،
سۆزو شیرین دیلدن-دوداقدان گلير،
دیلمین دادی دیر، دوزودور وارلیق.

آرالدان، خزردن قارادنیزه،
قاشقار، خوراسان دان آنا تبریزه،
آتالار، اوغوللار گلیر اوز-اوزه،
دولانجاج یوللارین ایزی دیر وارلیق.

آچیلان سحردهن، گوندن یارانمیش،
الچیم-الچیم بولوتلاردان دارانمیش،
دونیا بویدا تورکیستان دان آرانمیش،
آلتین آنیت، قیزیل یازی دیر وارلیق.

قوووشان چایلارین، چاغلایان سئلین،

يارادىب، ياشادان قوجامان ائلىن،
مىصرى، گۆيچە گولو، باش سارى تىلىن،
كۆكلنمىش قوپوزو، سازى دىر وارلىق.

نطقى نىن، هيئت نىن، سهند، بولودون،
ارتونقا، ماناسىن، دده قورقودون،
اوركده ياشايان آرزى، اومودون،
گول-چىچىك اكيلمىش دوزودور وارلىق.

وارلىق قىزىل ايلمە، اينجه ناخىشدىر،
يانىقلى دوزلره ياغان ياغىشدىر،
هيجراندىر، حسرتدىر، نىسگىل باخىشدىر،
سئوگى پىنارى نىن گۆزودور وارلىق.

اولوسوم، دىلىملە ياشىتدى وارلىق،
آذربايجان سسىنى ائشىتدى وارلىق،
ياتانى اويادىب آيىتدى وارلىق،
توركون آنا توزوك، تئزى دىر وارلىق.

نئجه مین ابللردن سوزولوب گلن،
گۆى مونجوغو كىمى دوزولوب گلن،
«آراز»، اوركلره يازىلىب گلن،
آنا كىتابىمىن اؤزودور وارلىق ■

• رحمان جعفرى «آراز»

درينليگيندن گلدويم،

تام اورتاسيندان تاريخين

كيرلى ايدئولوژيلرين

و ده سايقين باخيش آچيلاريندان سييريلاراق.

نئجه گؤزوكدوم اورالاردان

داغينيق دوشونجه ياپراقلارينى ييرتاركن

سنه وورولوركن نئجه گؤزوكدوم؟

كؤكسومه ساپلايين ميزراغينى

سوسار، سوسار دورارام.

يئنيلميش شهرم ان اوزاغيندان

سوسقون، سوسقون باغيرارام.

• ماناس چاملى

اوردا بىر كۆى وار اوزاقدا

اوردا بىر كۆى وار اوزاقدا
 او كۆى بىزىم كۆيوموزدور.
 گزمهسك ده، توزماساق دا
 او كۆى بىزىم كۆيوموزدور.

اوردا بىر ائو وار اوزاقدا
 او ائو بىزىم ائويمىزدىر.
 ياتماساق دا، قالخماساق دا
 او ائو بىزىم ائويمىزدىر.

اوردا بىر سس وار اوزاقدا
 او سس بىزىم سسىمىزدىر.
 دويماساق دا، تىنماساق دا
 او سس بىزىم سسىمىزدىر.

اوردا بىر داغ وار اوزاقدا
 او داغ بىزىم داغىمىزدىر.
 ائتمهسك ده، چىخماساق دا
 او داغ بىزىم داغىمىزدىر.

اوردا بىر يول وار اوزاقدا
 او يول بىزىم يولوموزدور.
 دۆنمهسك ده، وارماساق دا
 او يول بىزىم يولوموزدور.

• احمد قدسى تاجر